

王元化 主編

學術集林

卷十七



上海遠東出版社

學 術 集 林

卷 十 七

上海遠東出版社

圖書在版編目(CIP)數據

學術集林,第17卷/王元化主編, 一上海: 上海遠東出版社,1999

ISBN 7-80613-968-0

I. 學... II. 王... III. 社會科學-文集 IV. C53

中國版本圖書館CIP數據核字(1999)第52355號

特約編審 金文明

封面設計 王震坤

責任出版 馬蓓華

學 術 集 林

卷 十 七

(繁體字本)

王元化 主編

上海遠東出版社出版發行

(上海冠生園路393號 郵政編碼: 200233)

經銷 上海長陽印刷廠印刷

開本850×1168 1/32 印張11.75 插頁4 字數: 250000

2000年4月第1版 2000年4月第1次印刷

ISBN 7-80613-968-0/I·331 定價: 22.00元

2000.10.17

北京圖書大廈

No.0038300

編委 (以姓氏筆畫爲序)

王元化	史華慈	任繼愈	朱維錚
餘英時	李慎之	李學勤	杜維明
汪榮祖	林毓生	岡村繁	周一良
周策縱	胡道靜	施蛰存	馬悅然
許倬雲	宿白	張光直	張灝
湯一介	裘錫圭	墨子刻	潘重規
劉述先	興膳宏	錢仲聯	蕭蓬父
饒宗頤	羅多弼	龐樸	

主編 王元化

助理 徐文堪 傅杰 錢文忠

學術聯繫人 李慶 邵東方 陳寧 費樂仁
樊克政

靖史館徵訪員吳劍圭來問余著書
取目余亟之曰清志自載清人書僕何
與焉若云作時清尚未也則鐫基宗濂
之文作于元世者多矣何不錄入元史耶
吳曰元史無藝文志耳應之曰此蓋明初
史臣之識今人不能知也且史志可重
者班之藝文類之經籍耳其茲_訓后下志
之有無不足為其書輕重歐陽永叔莫
幸野尚然又況今之史官大半自徒其
錄正如坊間書單其心之智不如逆
順僕蓋后此自行也乃幾

書四紙詒檢齋

章

炳麟



學術集林叢書

存齋隨筆

熊十力著

陸王學述——一系精神哲學

徐梵澄著

錢穆與中國文化

余英時著

殷海光、林毓生書信錄

殷海光、林毓生著

唐代密宗

周一良著 錢文忠譯

中國史學上之正統論

饒宗頤著

文史叢稿

——上古思想、民俗與古文字學史

裘錫圭著

古文獻叢論

李學勤著

目 錄

卷首插頁：章太炎手迹

錢大昕佚文續二篇

…………… 郭建中 顧 燕 楊浩愚整理注釋(1)

章太炎手札 …………… 林申清整理(9)

張元濟未刊跋文 …………… 張人鳳整理注釋(23)

中國現存最古的私家著述：《孫子兵法》…………… 何炳棣(33)

《文子》的再考辨 …………… 胡文輝(65)

論《大學》中的“致知”與“格物”…………… 連劭名(88)

百年來的中國古文獻研究…………… 黃永年(98)

康熙御定《全唐詩》的時代印記與局限…………… 周勛初(152)

《傳書堂藏善本書志》寫作經過及有關尺牘

繫年考…………… 吳修藝(170)

《七哀》解題及申論…………… 朱曉海(205)

論隋唐政治制度與軍事政策…………… 郭偉川(232)

論“最初的”印歐人：吐火羅一月氏人及其

中國故鄉…………… [印]A.K.納拉揚(259)

摩尼教宗教符號“明珠”研究

——帕提亞文 mwrg’ryd(珍珠)考…………… 馬小鶴(290)

羅沙比《忽必烈傳》及《劍橋中國史》相關部分

史實商訂	陳得芝(302)
《碩人》鏡考	陸錫興(324)
王羲之重要傳本墨迹述略	陳麥青(344)
憶聞一多	姜亮夫(360)
讀莊小札	譚 彥(365)
悼念本文叢編委史華慈教授	(370)

錢大昕佚文續二篇

郭建中 顧燕 楊浩愚整理注釋

【說明】這裏刊布的清漢學大師錢大昕的兩篇佚文，是在我們參與編寫《上海圖書館館藏家譜目錄提要》（擬目，將由上海古籍出版社於一九九九年出版）時，分別從《歸氏世譜》（館藏號：徐匯）和《餘姚邵氏宗譜》（館藏號：徐匯）中翻檢所得，亦是接續發表於《學術集林》卷十五的《錢大昕佚文二篇》。錢氏著作早經結集，但散逸在外者亦復不少。新近出版的《嘉定錢大昕全集》（江蘇古籍出版社一九九八年版），是對錢氏著作的一次全面整理，但沒有收入上述四篇佚文。顧吉成主編《錢大昕研究》（華東理工大學出版社一九九六年版），後附錢氏佚文，亦未收。

錢大昕《潛研堂集》內有《歸震川先生年譜序》一文，推許歸有光爲“近代之韓、歐陽也”，歸有光雖隸崑山籍，但後又“徙居嘉定安亭江上，讀書談道”（見《明史》本傳），嘉定錢氏爲歸氏《年譜》作序，自有表彰同里先賢心意在內。虞山歸氏與崑山歸氏大概屬同祖，這也許是錢氏作《祠記》一文之緣由。

另一篇《贈中憲大夫任徐州府知府思餘邵公墓誌銘》所載

邵大業行狀，可與《清史稿》本傳、《碑傳集》所載《江南徐州府知府邵公大業家傳》以及《大清畿輔先哲傳》本傳相參照。餘姚邵氏始遷祖爲千八府君，邵大業爲其十六世孫，邵晉涵爲十八世孫（參見《餘姚邵氏宗譜》），錢氏與晉涵相知（可參《潛研堂集》卷四十三《日講起居注官翰林院侍講學士邵君墓誌銘》一文），此亦爲錢氏撰邵大業《墓誌銘》之緣由。標點時爲清眉目，特予分段。

歸氏三世鄉賢專祠記

嘉定錢大昕曉徵

且天之生賢不數，賢而聚于一鄉與聚于一家尤不數。而獨虞山歸氏^①，祖孫父子相繼而起，生爲鄉先生，沒而祭於社，三世相承，何澤之長也！我國家舉賢獎能，激揚風勵靡不至。既以歸氏三世秩祀鄉賢，而其曾孫又推衍聖朝之德意，而有建立專祠之舉，屬大昕爲之記，余何敢辭！按歸氏之有德可紀、有節可傳者，曰易明先生^②，前明進士，官刑曹，內介外和，惇倫蹈道，粹然君子儒也，而以嶠然高節從祀鄉賢。先生子惺崖先生^③，康熙中以進士第一人入翰林，官宮詹，不奪于威，不誘于利，議大政事，持正不阿。宮詹子贈光祿大夫監茲先生^④，恭謹樸茂，渾然至善，生尚書昭簡公^⑤，敷歷中外，垂四十年。天子嘉美勤勞，命祀其祖若父於鄉，俾砥行礪節者咸知自愛，而有以垂光於身後，典至重也。而其子孫以爲國家秩之祀典，鄉人既有矜式矣，而後之人顧不爲之專祠，何以揚國恩而光祖德？因於嘉慶二年，曾孫寅、亮、拱、搢、銜等，購得宗祠旁胡姓

隙地，建祠其上，歲時致祀焉。歸氏本吳中著姓，而虞山又名勝地，其間清淑之氣磅礴而鬱積，必有魁奇忠信材德之士生爲名士、歿爲名賢者出焉。而歸氏世有令聞如此，非魁奇忠信材德者耶？朝廷表彰之，鄉黨崇奉之，而其子孫又爲建祠，使之世世不祧，以盡孝思，以爲觀法，後有相繼而起者則而效之，無難矣。

贈中憲大夫任徐州府知府思餘邵公墓誌銘

錢大昕

江南道監察御史邵君自昌^⑥，既葬其尊人思餘府君於京師石景山之陽舊衙門口，持狀乞余補銘其窆，其宗人侍講晉涵又代爲之請。嗚呼！公吾鄉循吏也。憶少時肄業吳中，曾望見顏色，老成久謝，今安得有斯人哉？讀其狀，徵實可信，乃摭其略書之。

公諱大業^⑦，字在中，晚歲號思餘者，不忘其故土也。姓邵氏，宋大儒康節先生之後。南渡後有從駕至浙者，遂家會稽，又遷餘姚，爲衣冠甲族。曾大父汝楫，官天津遊擊。大父秉徵，禮部會同館大使，始占籍京師，爲大興人。父琮，康熙丙子舉人，四川大竹縣知縣，以梗直忤上官，投劾歸，教授子弟。公少而聰悟，能於十步外辨蠅頭書。年十四，補府學生，試輒冠其偶，與兄大生並以制義名噪都下。大竹公雖家徒四壁，見兩子文輒撫掌稱快，以告其友張蒙山，張笑曰：“賢子可謂以文養矣。”公兄以雍正元年登進士。十年，公亦舉順天鄉試第一。程墨出，僉謂有隆、萬名士風度。明年會試，名在第五，殿試賜

進士出身，於臚唱日行合巹禮，士林以爲美談。

乾隆元年，選授湖北黃陂縣知縣，剖斷詞訟，案無留牘。夏雨，潛蛟出土中，溪水暴漲，壞城垣數十丈，公肅衣冠，再拜，水旋止。乃遣舟拯被水者，煮糜餬之。又詳請公帑，修城之壞者，並修城外坡岸數百丈。其民堤被衝者，亦請照寓工於賑之例，一體興築。百姓大悅，名其堤曰邵公堤。歲大旱，爲文告城隍神，抱神像痛哭，聞者莫不感動，是日果得甘雨。有兄弟爭產者，公察其貌甚相類，令持鏡相向，曰：“類乎？”曰：“類。”因諭之曰：“堂上多人，獨汝二人相類，豈非同氣故耶？吾新喪弟，悲不自勝。汝幸得白首相保，乃爲此區區爭訟，持此面目，何以見汝親地下？”言已，聲淚俱下，訟者相顧，涕泣引咎，遂爲兄弟如初。在縣五年，政聲大著。

時縣令有行取之例，大府薦公實心愛民，才能治劇，得旨以主事註冊，尋特調引見，未及代而聞大竹公之諱，徒跣奔喪，哀感行路。卜葬已筮日矣，伯兄以形家言利於伯，不利於仲，欲改卜。公曰：“術士言叵信萬一，然弟願以身當之。”遂弗改。服闋引見，命往河南，以同知知州用。初攝開封府軍捕同知，即捕豪猾名木耳大王者，斃之杖下。尋補禹州知州，又調睢州。州頻年苦澇，而蠲緩未及，公履勘得實，白大府，固請，得緩徵。又請出倉穀平糶，假籽種，民得以蘇。其後河南大水，鄰邑或觀望未報。公循行境內，招集流亡，首請散賑，又勸大戶出儲粟減糶，州無飢民，而鄰邑亦得依例給賑焉。商邱令繆君某與公善，而拙于催科，民負欠，輒墊解身後，虧負累累，莫敢代其缺者。公請往，郡守曰：“君不畏難乎？”公曰：“惟難，故願往。”即令公兼攝。公至，召集里民反覆開諭，不數月而輸納

足額，復爲經紀其家，同僚咸高其義而服其敏也。擢江南蘇州府知府，吳中米價苦昂，公訪知米商囤積頗多，特爲牙僧所持，乃悉召諸商，諄切曉諭。其踴躍從命者勞以酒食，旌以彩帛，價遂得平。有吳姓爭太伯祠奉祀者，公曰：“祖宗以天下讓而後人爭區區之祠乎？”叱而去之。松江有盜案，互相牽引，累年莫得主名，瘐斃者大半，僅存十有八人，臬司委公鞠之。公視諸囚，皆扶掖始行，或舁以扉，腥穢不堪，惻然呼之曰：“汝等亦人子，飢寒所迫，遂陷於此，今已敗露，猶甘受榜笞，偷延殘喘，但首從異坐，被誣何辜？汝等既殺人於生前，忍復殺人於死後，且殺人何益於汝？”語未畢，有魁然者仰視曰：“公尚以人類相待耶？今日請爲公決之。”即列數某案某爲首，某爲從，某某實不與，羣盜皆唯唯無異辭。尋護理蘇松兵備道，並兼攝江蘇布政使事，一時榮之。

公外嚴而內寬，屬吏有小過，常委曲成全之，曰：“人才難得，安能事事求全？且易一人，詎必勝前人乎？”會天子首舉尋方之典，章程甫創，公條舉事目，洞中窾要，便於事而無擾於民。御舟挽牽，夾岸分行，名曰蝦鬚。而蘇城外水狹民稠，議者欲撤兩岸民居，以便雙行，公請於嚮導，得改單牽，遂以爲例。車駕駐靈巖山，屢蒙賜克食及乳酪。回鑾時召見行幄，天顏甚霽。制府黃公素不喜公，奏對時，上詢：“蘇守居官何似？”答曰：“邵某清廉老練，微嫌欲作好人耳。”隨命仍往河南，以直隸州用。未及題補，即特授開封府知府。沿河灘地消漲無常，民多爭占，或訐告封邱史固村民侵灘地者，委官丈量，果不實，而畝數則浮於原額。中丞欲依欺隱律加賦，公力持不可。又遍考舊志，始知豫省本有上中下三則，明季改併，中地十畝，完

上地糧七畝；下地十畝，完上地糧三畝。畝數雖多，糧實不減，自昔然矣。中丞曰：“昔爲下，則今則膏腴，若之何不加？”公曰：“河壩之地，今日以爲退灘淤壤，異日即可爲沙壓水衝，冬春播種，夏秋之收穫未可必也。且去年河決，流移未復，舊額已艱，若更加增，民何以堪？”中丞怫然曰：“國計所在，誰敢撓之？”公曰：“公爲國計，某爲民生，民生即國計也。”中丞又以危言誅公，公不爲動。中丞即自以意陳奏，部議試種三年，後再行加額。甫一歲，夏潦，地皆沒於水，事遂寢。陳橋堤當水衝，勢且潰，公親往，督夫搶修。或請少避，公曰：“倘有失，當以身殉之。”指揮益力，堤竟無恙。後以陽武口漫溢，部議降調，得旨命往江南，以同知用，藉補六安州知州。總督尹文端公、巡撫高文端公以堪勝知府保薦，又嘗委攝廬州府事。

天子再舉南巡，詔大修潁、亳水利，大府檄公察勘形勢，公往來籌畫，相其高下，俾來有所受，去有所歸，節省浮費無算。其核土方、稽工段，雖老於河工者弗逮也。又以承緝限滿，部議鑄級，詔仍以原官留江南。大吏素重公治行，適徐州守缺，檄攝府事。天子三幸江南，車駕至徐，有詔實授，仍有貂皮、內府文綺之賜。公留心水計，務爲久遠之計，嘗以徐城三面距河，城中人視帆檣如在屋上行，而蘇家山首承豫水，奔騰東下，直趨城西北，勢如建瓴，較北東兩面尤可虞。因考城西舊有蘇公堤，起城南龍雲山，訖城北月堤，約三里許，歲久湮廢，喟然嘆曰：“此堤雖若無用，倘大堤有失，循此堤南下，城可保也。”乃請於上官，得閑款銀若干修復之。堤首建蘇公祠，夾堤植桃柳，爲文記之。民始不樂，久之乃相與頌公之功。其後詔遣大臣會兩省督撫開濬荆山橋河道，公奉檄董其役。時高文端公

爲河督，工竣之日設宴，親酌酒授公，謂衆賓曰：“此役綦重，吾全倚此一知府耳。”車駕四巡江南，召見者再，天語褒嘉，賜賚甚渥。以六年俸滿入覲，甫回任，會有訛言割辦之事，坐查辦不力，落職赴軍臺效力。在塞外與章京昆都等推誠相待，靡不敬且感者，暇則讀《易》、《春秋》，或登山遠陟，可二十里，鬚不加白，眠食如常。時僉謂涵養有素，不以榮悴介意。春秋六十有二，未及賜環而卒，時乾隆三十六年四月九日也。五十五年，覃恩以子自昌官兵部職方司郎中、加三級，贈中憲大夫，如其官。

公自州縣及典大郡，事上官以禮而不爲苟同，苞苴之饋未嘗及門，爲人排難解紛而不居其功。篤於兄弟，睦於宗族，與人交有終始，蓋幾於古之不言而躬行者。初娶於胡，繼室以其女娣，俱候補州同知世安之女，皆前卒，贈恭人，葬同穴，其右以側室施陸祿葬。子自昌，戊戌進士，今官江南道監察御史；自華，己卯舉人，清豐縣教諭；自榮，候選州同；自悅，戊戌進士，撫州府通判；自中，庠生；自和，丙午副榜貢生；自本，癸卯舉人；自彭，庠生；自惠；自巽。女六人，孫男十四人，孫女九人。銘曰：

“君爽分陝，惠流甘棠。召父在漢，績著南陽。宜爾雲仍，世有循良。公幼而學，昕夕不懈。經明行修，科名拾芥。政事文學，一身兼備。古稱守令，親民之官。視民如兒，保抱力殫。鷹鷂之鷲，不如鳳鸞。水旱告沴，祈禱必應。感天以誠，爲民請命。正己率屬，直道而行。勤慎吾分，溫飽弗營。昔人作相，名減治郡。公雖數奇，休有令聞。典型云邈，餘慶長留。桐鄉俎豆，可以千秋。鬱鬱佳城，良吏之宅。魯峻韓仁，媲美

在昔。”賜進士出身、誥授中憲大夫、日講起居注官詹事府少詹事兼翰林院侍講學士嘉定錢大昕撰文。

注釋

- ① 虞山即今江蘇常熟。虞山歸氏以三世祖榮四爲始遷之祖。
- ② 歸起先(一六一一—一六六四)，字裔興，一字律庵，號易民(《祠記》一文中爲“易明”)，明崇禎癸未(一六四三)進士，官刑部河南清吏司主事。有《易聞》、《詩通解》、《學庸語孟大旨》、《老莊略》、《參同契悟真篇考證》等。
- ③ 歸允肅(一六四二—一六八九)，字孝儀，號惺崖，清康熙己未(一六七九)進士第一，官至詹事府少詹事。有《歸宮詹集》四卷。
- ④ 歸宗敬(一六六〇—一七三四)，字端士，號監茲。
- ⑤ 歸宣光(一六九一—一七六二)，字念祖，號杞懷，清康熙庚子(一七二〇)經魁，官工部尚書，賜謚昭簡。
- ⑥ 邵自昌，字蕃孫，號楚帆。
- ⑦ 邵大業，字在中，號厚庵，又號思餘。有《謙受堂集》十二卷(另說十五卷)、《讀易偶存》八卷(另說十四卷)。行歷見本篇《墓誌銘》，另可參見《清史稿》本傳、《碑傳集》載鄭虎文《江南徐州府知府邵公大業家傳》及《大清畿輔先哲傳》本傳。

章太炎手札

林申清整理

章太炎先生致李印泉手札

印泉老弟左右：奉到手書並《說文古本考》、《安徽通志列傳》各一通，松岑作此，蓋特有意趣。其中苗沛霖一傳，錄《湘軍志》居半，恐沛霖事迹尚須有考索者。其人本一生員，兼能詩畫，以談道部勒子弟，支柱清軍、太平軍間，人莫能破，蓋古代劇孟一流。觀其授官至監司，而終不肯服翎頂繡補，其志可知，惜不傳當時記錄，乃使與李兆受等同日而語。然皖北父老猶多傳說，宜更斟酌之也。潘景鄭年在弱冠，文章業已老成，來趣吾門，何幸有是。世道陵夷，偶有一粗畢五經者誠心問學，吾亦拱立而接之，況如景鄭輩耶！書覆敬問起居。

麟白 四月五日

（注：此為章太炎先生對李印泉先生介紹潘景鄭先生入門一事之回信。謹遵潘先生之囑，冠於諸信之首，以明遊學章門之緣起。）